

北洋官報

目錄

宮門抄
上諭

奏議○學部奏議覆北洋大學堂畢業舉人收獎摺△張
 家口總管崑奏收羣積弊酌擬辦法摺
 公牘○學台札一件△冀州派一件△清河縣稟一件
 文告五則△電報五則△新聞十二則
 彙編○甯江禁烟公所簡章

本局第一百三期法政學報已出

宮門抄

五月十三日 外務部 欽天監 侍衛處值日 德本因伊子以道府用謝 恩 廣東叅將杜天麟謝

恩 陝西叅將章志傑謝 恩 松公續假十日 清治 松山 文明 聯壑 文繕 福啓 伺候

召見 召見軍機 清治 松山 文明 聯壑 文繕 福啓 外務部遞封奏四件又代遞薩蔭圖

李經方封奏各一件

諭

五月十三日內閣奉

上諭直隸總督北洋大臣楊士驥學識通達才猷敏練由翰林洊擢道員歷任藩臬兩司山東巡撫均能克稱厥職
 嗣命總督直隸兼北洋大臣尤能力任繁劇綏靖畿疆朝廷深資倚畀前因患病賞假調理方冀漸次就痊長承
 恩眷茲聞溘逝軫惜殊深楊士驥著加恩追贈太子少保銜並著予諡照總督例賜卹任內一切處分悉予開復
 應得卹典該衙門察例具奏該督靈柩回籍時著沿途地方官妥為照料伊子分省補用道楊毓瑛分省試用道
 楊毓琨均著以道員儘先補用伊孫一品廕生楊慶壽著賞給員外郎分部補用用示篤念蓋臣之至意欽此
 旨正紅旗護軍統領印鑰著棍布扎布暫行佩帶欽此

奏議錄要

學部會奏議覆直督奏北洋大學堂豫備科畢業舉人顏景嵐改獎知縣摺

奏爲改給北洋大學堂豫備科畢業學生顏景嵐獎勵恭摺會陳仰祈 聖鑒事內閣鈔出直隸總督片奏北洋

大學堂豫備科畢業學生顏景嵐援案變通改獎一片宣統元年閏二月二十二日奉 硃批該部議奏欽此并

准直隸總督鈔咨到部查原奏內稱北洋大學堂豫備科學生吳敏向等肄業期滿經前督臣附片奏請給獎嗣准

學部議覆以侯景飛等一律作爲舉人奉 旨允准等因查有顏景嵐原係舉人曾經註冊以知縣揀選今經

部議仍獎給舉人係屬重複查山西大學堂西學專齋第二三期畢業內有原係舉人優等畢業之賈映南等部議

以不論雙單月歸部選用該舉人顏景嵐事同一律自應援案變通改獎伏候 飭部核議施行等語學部查北

洋大學堂豫備科畢業獎案經臣部按其程度議准以侯景飛等十六名均請作爲舉人於光緒三十四年七月初

十日具奏奉 旨允准欽遵在案茲據奏稱顏景嵐原係壬寅科補行庚子辛丑 恩正併科舉人查與

山西西學專齋畢業之賈映南王盡臣原係舉人歷經改獎之案事同一律自應准其改獎其請以知縣不論雙單

月歸部選用一節吏部查奏定改選班章程內開嗣後凡向保以州縣選用或不論雙單月選用及儘先選用者均

改爲俟該員指分到省後試用及試用班先用等語今顏景嵐既原係舉人應准其援案改獎知縣惟選班已停所

請不論雙單月選用之處應飭令該員報捐分發後再以知縣到省試用所有改給獎勵緣由謹恭摺會陳再此摺

係學部主稿會同吏部辦理合并陳明伏乞

皇上聖鑒謹 奏宣統元年五月初七日奉 旨依議欽此

張家口兩翼牧羣統轄總管崑源奏查明兩翼牧羣積弊情形酌擬辦法摺

奏爲查明兩翼牧羣積弊情形酌擬辦法藉資整頓恭摺具陳仰祈 聖鑒事竊維馬匹爲軍行之利器牧政乃

強國之要圖張家口外兩翼牧羣地勢沃衍厥號名場乃以經牧之人積久叢弊上年經兼管兩翼牧羣統轄總管察哈爾都統查出馬額鉅虧奏准借款籌補 朝廷俞部臣請 特簡奴才爲張家口外兩翼牧羣統轄總管

飭以認真經理欽承

恩命仰秉

宸謨允宜兢慎以圖庶期日有起色奴才到任之初考查舊日案牘

半屬奇零殘碎莫可端倪而且兩翼稟呈向用滿文繙譯支離所在不免歷年冊報悉屬具文因一面飭派委員分赴兩翼各旗羣確實調查並派測繪學生隨同前往奴才於閏二月二十二日親赴履勘並點驗馬匹兵丁計兩翼騾馬羣現共存馬七千九百八十四匹虧額二萬七千四百三十五匹兩翼騾馬羣現共存馬二千二百六十六匹虧額二千七百十五匹口輕騰壯者不過十之三四至兵丁之額缺及老弱充數者右翼較左翼爲甚官長之疲玩亦復如之查右翼署總管右翼翼長烏雲畢里克難勝總管之任經奴才電商陸軍部撤換飭回該翼翼長本任而以左翼翼長拉什尼瑪暫行試署其餘各協領牧長等經奴才切實開導亦尙有能知愧奮者分別酌加賞罰以示勸懲點驗事畢奴才旋即徧歷兩翼各旗羣考其地勢計左翼東西約百二十里南北約百三十里地形缺其西北面積約得八千五百餘方里其草地以騾馬羣之廂白正藍兩旗及騾馬羣爲上騾馬羣之廂黃正白兩旗次之右翼東西約九十餘里南北約百二十餘里地形銳其南面積約得六千六百餘方里其草地以騾馬羣之正黃廂紅廂藍三旗爲上騾馬羣之正紅旗及騾馬羣次之山原曠衍彌望青葱洵稱芻牧之上腴證以陸軍部上年原繪地圖復據各該協領等指稱左翼廂黃廂白兩旗及騾馬羣右翼正黃正紅廂紅各旗界內有毗連之蒙古王公游牧及察哈爾牛羣游牧佔領或放墾地段左翼之正藍旗騾馬羣有官私開墾地段其官放者係光緒二十八年間經前墾務大臣奏設墾務局及光緒三十二年間察哈爾都統奏設推廣墾務局給領由多倫獨石兩廳升科納糧究竟當時各放若干兩翼無案可稽以故官私越墾無從分悉右廂正藍旗牧地則北洋馬廠據其半五十家子台站據其半該旗幾無餘地矣查右翼牧場本較左翼窄狹又因前墾務大臣貽穀等會奏放墾右翼騾馬羣之博羅柴濟地方將該騾馬羣移併騾馬羣牧地割正紅正黃兩旗各一段畀之右翼牧場遂益局促此奴才點驗馬匹兵丁並查勘兩翼牧場之實在情形也奴才行經一月有餘與各隨員等露宿風餐藉毘幕爲棲止因於四月初六日回抵張家口料理奏報籌辦各項事宜旋據分派調查各員陸續將調查事項報告前來奴才悉心考核竊謂

兩翼牧羣勢成積重權衡緩急先其當務以待擴充有亟須及時整理而無待遲回者有須商承陸軍部妥籌辦法者有須會商合籌而始克舉事者請爲我 皇上縷晰陳之查亟須及時整理無待遲回之事曰歸併羣牧兩翼馬虧鉅額計現有之馬僅萬餘匹雖經部議奏准借款購馬孳補將來購到合原馬共計亦不及二萬匹而兩翼騾驢乃仍分百十四羣牧放馬少羣多既乖事實更糜丁餉已飭減半歸併兩翼共併爲五十七羣其現有馬二三百匹者仍令自爲一羣馬少僅百匹或不及百匹者併兩羣爲一羣更少者併三四羣爲一羣並爲酌定牧長牧副牧丁各名額均飭挑選精壯實行職役不得再有老弱充數之弊除現定名額外餘悉暫行裁革以節餉糈俟孳育繁多再行增羣並令各羣之中分晰馬匹毛片毋任羸雜以冀渡種精純多合軍用日整飭牧養兩翼地處朔荒冬令風勁雪多冰堅地沍馬匹無可棲避又不得食凍餒瘦病倒斃滋多概建馬舍則工費不貲搭蓋帳棚則風雪積壓變通辦理已飭各該羣各築馬圈一所藉可息養兼便馴調並令夏秋多割肥草儲貯近圍俾濟冬飼左翼之泉多含鹹性不利馬飲右翼之河細流涓涓遠且莫致已飭各羣務多掘井必深必潔俾便汲飲並爲備醫藥以療病馬禁取乳以保幼駒就原有護軍編練馬巡以資警衛禁民畜放牧以重官羣凡此亟須及時辦理之事皆經奴才所已施行督兩翼各官丁認真整飭者也查陸軍部原奏內開數百里養馬名場委之於未嘗學問之場員安有振興之一日又開應設屬官及所需經費容由臣部妥籌辦理等因誠爲洞見本原之論奴才責無旁貸思慮所及未敢稍事因循應遵陸軍部原奏遇有重大事件須先商承以昭慎重竊以爲商籌之事曰添設屬官兩翼原有之總管以下各官應仍舊制俾司經牧以專責成若研究稽考漸求進步則應另設各員分理之擬酌設秘書官總核官及文牘牧養會計庶務等四科各科科員量事繁易定員多寡由奴才選擇調用應須錄事差遣員弁馬醫官兵及應用夫役等定當量爲設置際此時事艱難何敢安事鋪張而當整頓之初亦未便希圖省事曰開辦兩翼牧羣學堂兩翼經牧官丁率皆樸野固陋未嘗教育能漢語者十不獲一通漢文者百不獲一牧養之法全未講求亟應開辦學堂啟迪知識以漢文爲普通科以牧務爲專科庶可漸進文明改良馬政曰設立模範羣查歐西馬匹高大壯實孳養調教畢力研求日本亦以輸入西洋佳種而馬漸精良所有一切孳育之施行方法率爲蒙人耳目所未經擬就兩翼各羣挑選高大臚壯馬若干匹特設模範一羣用資視倣日酌加兩翼總管以下各官弁兵丁津貼查兩翼

官兵俸餉太薄不足以資養贍亦未便輕議更張往日該兵丁仰事俯畜與夫冠婚酬酢之需罔不於馬是賴而馬之爲官爲私則又混淆莫別兵丁之老弱空額馬積鉅虧未始不由於此既已將從前陋規悉予裁革既責以實力任事不能不爲之籌及身家以策其趨公之忱而使無衣食之慮以上數者皆應商承陸軍部妥籌核辦者也並擬咨商陸軍部除業經准借領兩翼官兵五年俸餉銀十二萬兩購馬孳補應仍照案辦理外所需添設屬官及兵夫等薪餉公費學堂模範羣各項用款並酌加官兵津貼等核定每年籌撥兩翼牧羣常年經費若干俾應行整頓各事得以次第舉辦以冀日起有功至於牧廠之官私墾佔並毗連游牧之界址侵越北洋馬廠之劃撥正其經界免滋糾葛此則須商由陸軍部分別咨行會籌而始克從事釐定者矣抑奴才更有請者兩翼牧羣統轄總管從前歸察哈爾都統兼充故向無辦公衙署奴才欽奉

上諭擇要駐紮自應欽遵辦理擬於左翼廂黃旗建設公署一座爲統轄總管既添設屬官辦公之所以兩翼牧羣學堂附焉左右翼各建總管以下各官辦事公所一處而以模範羣附於左翼公所之側庶幾事有歸宿且便稽考而無放棄責任之虞惟兩翼地處邊徼交通不便土木興作較之內地工費逾倍並俟商承陸軍部妥籌核辦奴才伏維馬政關係軍儲最爲緊要況當列強競爭咸思奮揚武烈以張國威擘畫經營不遺餘力兩翼牧場之設垂數百年該官兵等受 國家豢養之恩宜如何感激奮興以圖報稱徒以積習相沿至於今日奴才忝膺重寄舉凡一切應辦事宜既未敢操切以圖功亦未敢輕率以從事仍隨時商承陸軍部臣妥慎經理以仰副 朝廷整頓牧政裕儲軍備之至意除將酌擬辦法分條開列並繪具兩翼地圖及點驗馬匹各表冊咨呈陸軍部查核外所有查明兩翼牧羣積弊酌擬辦法緣由理合恭摺具陳伏乞 皇上聖鑒敕部核議施行再奴才拜摺後擬即啓行入都跪聆 聖訓合併陳明謹 奏宣統元年五月初九日

奉 硃批陸軍部議奏欽此

公牘錄要

學台傅札飭成安縣攷核該縣勸學所及各小學堂分別嘉獎文

爲札飭事案照此次本司親臨攷查該縣學務該勸學所綜理一邑教育事務井然不紊有勸學員調查表記有各區初等小學每日每點鐘授課表有每月一次各鄉初小教員會集研究簿此外應有表簿均能備具合邑一百數

十村設學七十餘處頗少爭許苟非該總董暨勸學員等精心毅力不稍懈怠斷無此優良之成績本司深用嘉佩應即傳諭獎勵並贈給該總董宋福周手書扇面一頁以表優異官立高等小學堂長遠岫處理堂務尚有條理學生頗見整齊教員講授亦尚合法應傳諭嘉勉務再力求進步漸底完備模範小學結構甚為樸素經費亦極節省而一切整齊潔淨處處皆見精神具徵該教員遂欽能明管理訓練之道不憚勤勞有此成績按諸模範二字良可無愧應傳諭嘉勉並贈給手書對聯一副以示獎勵仍令益加研求教授方法樹完密之模型為小學之表式其餘各初小學堂現值麥秋放假不及查視仰該總董勸學員等按照所定規程勤加稽核勿使中懈是所至望該令蒞任數月政聲卓著披覽手書論帖於勸學一端甚為切實并能查察各鄉初小學堂加以激勵又提倡學警森林社使逐漸栽植樹株以修林政似此認真督率洵不愧循良之吏仰仍加意提倡整飭益著懋績以副厚期除扇面對聯已先發交勸學所外合行札飭札到即便分別遵照辦理此札

學台傳札飭磁州考核該州各小學堂分別嘉獎文

為札飭事案照本司此次親臨該州考查學務並派員抽查彭城鎮及鄉區小學查得官立高等小學學生尚屬整齊頗知向學成績亦有可觀之處該堂長王欣然辦事尚形樸實應傳諭嘉勉務益加意管理仍於樸素之中養成整潔之習教員和夢錫講授有方闡發詳盡具見悉心研究深堪嘉尚應贈給手書聯語一副以示獎勵此外各教員於教授方法應各加意研求庶進步可期速捷官立女學各生氣象靜穆成績亦優該經理陳繼虞充高小堂長有年頗著成效現綜斯校尤見熱心應傳諭嘉獎女教員何志學任課甚多不辭勞瘁一併傳諭獎勵並給手書聯語一副懸掛該堂以昭風勸該年長學生兼司照料幼生之左貞卿任惠卿王幼徵三人勤勉可嘉亦予傳諭獎勵

崔府君廟私立初等小學由該紳王欣然薛省三陳繼虞等捐資創立具見熱心公益應即傳諭嘉獎該處講堂過小分為兩起頗未得宜能設法擴大併歸一堂講授較為合式仰該州移知後任酌量維持以為私立學堂者勸大名寺初小教員胡惠元明澈耐勞甘棠祠初小教員路鶴齡實心講導彭城鎮初小教員索永清勤懇授課均應傳諭獎勵彭城鎮高小教員柴石蓉款窘未支薪水仍能實心任事應一併傳諭嘉勉並由州督紳設法維持免致竭蹶此外各鄉初小學堂甫經督催陸續開齊驟難遽求完善該總董薛省三整理學務頗見認真應督同勸學員等

逐漸整飭力圖進步並須設法一律行用教科書至初小各學堂專僱夫役爲各屬所罕見此次批飭減除固由體
卹民力起見亦因此等名目本不宜有故從節減併仰該總董傳諭初小各教員明悉此意益勤訓育使地方老
威能信用則教育前途深足欣幸卽就該教員等生計而論亦可無淘汰之虞此本司所深望也除對聯書籍已發
交該勸學所外合行札飭札到仰卽飭知勸學所分別遵行切切特札

冀州祝牧苧稟開辦教練所暨整頓巡警辦法文並批

敬稟者竊卑職於本年正月初七日奉警務處札開蒙 憲台轉准 民政部咨送巡警學堂州縣教練所章程飭
卽遵照辦理並發教練所詳細規則一本等因蒙此當卽轉行巡警總局卽遵章籌設查卑州巡警本境分十一
區各有傳習所一處以便就近訓練茲奉前因自應一律更正惟此等傳習所辦法簡易人數不定若概令遵章改
易既慮於事煩擾且於部章每州縣設立教練所一處之議不符不如各仍其舊留爲本區補習演操之地另於城
內組織一所課程辦法一切按照部章力求完備以期名實相副卽名曰冀州巡警教練所茲據該警董巡官稟稱
卽借地巡警總局舊有講堂開辦學生就各區警兵分班訓練茲頭班業已調齊經卑職親赴該所逐一查驗年齡
身體委皆合格並無品行不端以及沾染嗜好殘疾醜惡諸弊再巡警精神與形式並重形式不正精神亦因之疲
敝查有駐冀續備軍隊官趙景蘭陸軍出身精嫻操法且向來辦事公正經延充該所操法教員兼充總局稽查並
可調和軍警由局酌給車馬費該隊官任事勤奮每日擔任三點鐘功課自謂一月後當使全班改觀茲已於三月
二十六日開課所有辦理詳細情形另行開呈 憲鑒抑卑職更有進者辦事不厭其詳立法務求其密迭奉 明
飭督令整頓改良並飭收回子彈保存槍械除將各遵辦情形另文詳報外茲督率總董巡官切實研究就當地情
形以期密於稽查藉免推諉防微杜漸罰過賞功與有關開支用款會議各端分項揭立專條謹附具清摺仰乞
訓示藉便遵行爲此將卑州開辦教練所章程名冊並整頓巡警辦法馳稟上陳伏請 大帥察核飭遵並乞將趙
隊官景蘭兼充卑州教練所操法教員暨總局稽查飭知兵備處查照無任惶悚敬叩 鈞安
督憲楊 批據稟已悉仰警務處核飭遵照並移兵備處知照冊摺存此繳
清河縣梁令成哲稟遵設巡警教練所開辦日期文並批

敬稟者竊維巡警爲保衛內治之要政而教練尤爲造就警材之基本聚多數不通警學不諳警章之游蕩無賴俾得明目張膽橫行鄉曲侈焉可以干預人家事匪惟不能保全地方之治安或且擾亂社會之秩序此教練所之設不容須臾緩也雖然事不惟其名惟其實法無取乎同取乎通卑邑巡警教練所自本年三月二十八日始行開辦其設立處所係借用儒學舊署略加修葺頗敷佈置學生三十八名皆由卑職出示招考以年力合格通曉文義爲入選一面即飭各分局區擇目不識丁不堪造就者各酌裁數名卽以所裁餘餉充作入所公費限定六個月畢業後仍補舊額再行續選如此挹注則兵不缺額款不另籌而教練統歸一律較之從前傳習所附設各局區內其結果原自有分合同異之不侔教員則以本邑自治紳廩生范澍宸充之查該紳前在日本法政大學講習科畢業於警務甚有心得將來必克勝任其餘仍延總局巡官徐重文并調黃金莊區長孫麟經使之分別擔任操練功課所內司事如所長庶務長等卽責成總局警董廩生崔溥等分班兼理至一切經費除學生卽由裁去額兵餉項撥作公費并司事各員紳均皆熱心公益甘盡義務不支薪水外惟開始時應用之必要如購置棹凳等件並常年堂役伙夫工食暨火柴水炭津貼等費暫由總局警費款內提撥撥節動用核實開支現計開辦以來距卑職到任已數閱月其所成就當必大有可觀乃規模草創甚形簡陋卑職始願殆非僅是而遲之又久卒未獲如願以償蓋擬辦伊始必先籌有一定之款而後可以規遠大而臻美備若卑邑此舉則無米之炊權宜通變不得不以遷就出之然視前此之各爲風氣者敢信其將來必有實效之可收無他事有總匯足踏實地故耳惟憑空結撰間與定章無出入之處實處於勢之無可如何如學生班額照章至少須滿五十名而卑邑則僅限以三十八名非特借用之地不能盡如人意講堂宿舍僅容此數而且入所學生皆各局區之額兵也於此多一肄業於彼卽少一巡邏爲將來爭優勝猶當爲目前保治安學額雖少而額設之兵亦無幾卽此輪班教練集合與散在并行治標與治本兼施不兩年後必可使地方無不受教育之巡兵人民獲增進維持之幸福庶幾事有實效款不虛糜不至負憲台實事求是之至意此卑職到任數月與紳耆等計窮羅掘而又迫於事之不可不辦不得已酌量變通致與定章稍有出入者也除仍由卑職隨時督飭認真經理并俟教練期滿再行稟請派員考驗外所有卑縣遵飭設立巡警教練所開辦日期緣由理合稟請大帥查核俯賜批示立案實爲公便肅此具稟恭請 勛安

督憲楊 批如稟立案仰警務處查照飭知此繳

文告錄要

督院批示錄要○雄縣祿坤稟奉撥工撫銀兩修理大清河東北岸平險各工并秃尾堤等工用過銀兩請飭委驗收由 批據稟已悉仰清河道委員前往逐細驗收具報并將用過銀兩查核請銷册併發仍繳

藩台告示○調署定興縣知縣張焜到任尙需時日委大挑知縣姚中林前往代理

藩台告示○爲出示曉諭事照得清查戶口爲整理民政之大綱前奉 民政部奏准頒發章程表式前司業經通行一律查報遵辦在案惟事屬創始恐不免妄生疑慮造謠生事爲此將部定新章條款再行出示曉諭示仰直隸省官民人等知悉爾等須知立憲之國無一人非國民即無一人可不登國籍欲圖閭之安謐全在戶口之清查戶口一清則良莠既不至混淆且可同享國民應有之權利將來地方自治及有關公益等事自易次第推行漸收實效足見清查戶口一事利國利民裨益實非淺鮮此次調查之法即遵照憲政編查館所定年限共分兩次舉辦先調查人口總數次調查人口總數詳定章程寬以期限既不得虛應故事亦不至有累吾民自示之後即當按照次序切實遵辦爾民人等如有不受調查造言惑衆及爲一切妨害之舉動者自當照章分別懲罰以儆玩違至官吏胥役如有藉端需索任意騷擾及沾染從前編查保甲時種種積弊者准爾等隨時赴該管衙門指控各宜懷遵切切特示

學台牌示○爲牌示事案照本司此次親臨查察大名鄉高等小學該堂董事高日宣於一切管理事宜漫無條理既已有忝厥職察諸輿論尤屬不孚衆望該司事馬純修佐理堂務亦難勝任應即一併撤換由縣遴選合格堪充堂長之人稟請核派接充以資整理所有高日宣等經手堂中公項一切並飭剋日交代清楚以後即由堂長主持全堂事務毋庸再派董事其司事即由堂長延用以專責成至高小教員史春山講授既近敷衍且使堂役在講堂點名尤爲不合應先嚴加申飭以後察看情形再行酌量辦理除札飭外合行牌示須至牌者

保定工巡總局批示○藩署書吏丁漢卿具稟一案 批李昆山本係貪橫之徒曾經本總局提訊責逐有案茲據所稟該犯屬實藐視法紀怙惡不悛候即傳飭各同一體查拏從嚴究辦

天津縣議事會議覆公告○黑光文說帖爲當商罔利出納不公懇請提議以昭平允事 議覆說帖閱悉所陳各節候開會時核議此覆○張永恒說帖爲合謀勾串控契盜賣叩懇親訊追償事 議覆說帖閱悉事已成訟本會無提訊之權此覆○天津甯河縣紳民尙琴軒李鳳來等說帖爲創設新章藉捐加索公乞詳察援案以歸舊例而免擾累事 議覆說帖閱悉候開會時核議此覆○周文興說帖爲奸商騙人懇祈評議懲罰以重信義事 議覆說帖閱悉事關民事爭議只據一造陳述本會照章不能評議此覆○生員從翼清等說帖爲前車可鑒後患無窮籲懇詳請 督憲照會電車公司安定行車章程以圖補救而重蟻命事 議覆說帖閱悉電車定章不滿人意本會原擬於軋斃張姓小兒一案判結之後會議辦法稟請 督憲酌核以免後患所陳各節正與本會宗旨相符候開會時提前核議此覆

電報錄要

路透電○英國探險家威洛曼氏在司比斯伯根地方建造收藏汽球之房被風吹毀聞威氏於今年帶領探險隊往探北極之事尙未決定

又電○法京電云法國索爾班尼地方日昨舉行索洛福理納戰事五十年大紀念之典禮

又電○法國馬爾塞洛港海軍人等以及拖船工人同盟罷工之風潮現已止息運送郵件之艇已照常航駛

柏林電○英皇擬於西八月十三號往法國馬蘭巴德地方

又電○瑞典國王設筵款待俄皇彼此舉杯爲壽俄皇演說願竭心力使俄瑞兩國邦交日見親密

又電○瑞典國陸軍少將白克曼氏被亂黨用槍暗擊聞該亂黨亦自戕身死

又電○俄京瘟疫傳染甚烈此回禮拜染病者七百五十人因病身死者二百一十一人

東京電○日本練習艦隊阿蘇號宗谷號現已航至布哇港

又電○美國駐日本全權公使請假回國於西六月二十七號由橫濱啓程大約西十月中旬即可回任

新政紀聞

政治

資政院議添文案官○資政院現因現在議辦要件甚多繕寫之人甚形缺乏且檢查案卷官亦頗有不敷分布之慮今經協理各堂核議擬援照政務處成例添設文案官數員由小京官內選取所有保案薪津俱按政務處辦法聞於日內即擬稟候兩大總裁核示云

續舉初選舉當選人○天津縣辦理諮議局議員初選舉及再行選舉辦法各節業經登報公布茲於本月初十日投票十二日開票計八區共投有效票數九百九十三無效票數二十四茲將二十二人性名票數開列於後

蘇式燕八十四票 齊鼎升八十三票 劉恩林七十三票 胡家祺六十七票 楊恩壽六十七票 王新銘六十一票 宋鴻賓五十七票 劉孟揚五十七票 溫世霖五十五票 范從周五十四票 趙炳麟五十二票 軋春瀛五十票 李耀曾四十五票 韓金榜三十七票 溫長綸三十五票 周景頤三十票 孫鴻賓二十九票 林兆翰十八票 王賢賓十四票 楊培之十四票 趙炳辰十一票 穆興俊二票 以上前十一人爲初選當選人合第一次當選人共得十九人後十一人爲候補初選當選人

學務

學部注重專門實學○學部各堂以各處設立學堂大率於專門實學鮮爲注意特飭各省提學使按照奏定實科學堂章程廣勸士紳組織以提倡實業云

舉行小學畢業之計畫○京師督學局擬於本年暑假內舉行攷試第三次小學堂畢業一切辦法仍照舊案辦理并擬仍假八旗第八小學內舉行已通知各小學堂先期咨送應行攷試之各生名冊到局查照

師範傳習所變通辦理○奉省復州創設師範傳習所以該處添辦鄉間小學急需教材所有堂內學生擬肄業半年後派赴各小學充爲教員實地練習俟該所續招之新生畢業再行調回補習特據情呈明提學司當蒙批示准予變通辦理云

法政學堂續招學生○兩江法政學堂監督吳觀察前上督院稟云兩江法政學堂業於上年六月間開學嗣奉學部奏定各學堂招考限制章程內有本年六月爲始法政學堂正科屬於高等教育者概不得收未經中學畢業之學生等語其時該堂招考在先當即變通辦理本屆夏季爲第二次正科招考之期自應查照新章辦理現招新班參照京師法政學堂章程開設補習科分別補習東文東語其學額一節仍照前次奏案蘇屬二十名院

贛各十名甯屬六十名現經午帥核准已出示曉諭限期招考矣

財政

提議調查雜稅差捐○度支部各堂提議現在舉辦印花稅各省商民不無負擔過重之虞其原因實因民間雜稅差捐種種名目過多各處情形不同向無一定限制本部亦無從知其確數擬飭監理官詳細調查報部酌核輕減以恤民艱云

電飭派員承領印花票○度支部日前分電各省略云印花票業已備齊裝箱封固因係有價紙票未便逕交驛遞除另將票數咨達外希即派員來部承領以期妥送

咨飭陳列品免稅○農工商務溥尙書因陳列所將次竣工現已飭司咨催各省解運物品到京陳列日前已咨照稅務大臣所有各省解送陳列物品應轉飭沿途關卡一律驗照放行以免留難云

續議土膏捐辦法○奉天度支民政兩司暨巡警道稅捐局曾會議土膏牌照捐辦法一節茲聞又續議辦法數條中有由度支司派委員十人分至煙膏局稽查每月所售數目與稅捐局所領牌照是否相符似此辦法亦杜絕弊端之一道也

民事

擬設鄉鎮巡警監督警務長○奉天鄉鎮巡警既已改歸承德縣辦理照例即無總辦名目茲聞已由民政部張司使按照巡警章程擬定以該縣爲承德鄉鎮巡警監督另設警務長一員并聞不日即由民政部札派

札飭籌濟甘荒辦法○江督端午帥札甯藩司文云准陝甘督部堂升與甘肅毛藩司電開等因並據陝甘旅滬紳商劉定榮李岳瑞電稱現在上海發起甘省籌賑公所請飭江南官紳協力援手等情據此查甘省地廣災深情形極爲慘酷亟應設法籌助共救沈災當與撫部院電商甯蘇合籌銀一萬兩解濟賑需並准撫部院電開已飭

蘇藩司即籌銀五千兩解甯彙匯甘省等因前來應即飭由江甯藩司一俟蘇藩司前項銀兩解到立即籌銀五千合成銀一萬兩發交商號匯解甘省查收至應如何勸導官紳廣集捐款以資接濟之處並由該司安速籌辦

具報合就札行札到該司即便遵照辦理

兩江禁煙公所詳定開辦總章

本所奉兩江督部堂專設名曰兩江禁煙公所前設之兩江查驗官員戒煙所即以附隸本所已承督憲撰發章程綱舉目張共資遵守惟一切推行細則仍應遵札議擬茲先擬本所總章五章三十六節詳明開辦其餘各科辦事專章俟開所後派定科員再行督飭詳議茲列總章如後

第一章 總則

第一節 本所遵督憲檄飭事理以廓除煙毒爲宗旨以縮短期限爲進行以沈毅堅忍爲主義

第二節 本所一切辦法均恪遵迭次 諭旨及公所部院各章程切實推行

第二章 職任

第一節 本所奉督憲檄委督辦一員總辦一員提調一員幫辦提調二員其餘科員司事人等遵札由督辦總辦督同提調商定詳辦

第二節 本所現遵督憲章程分爲五科曰調查科曰禁制科曰產銷科曰文牘科曰庶務科並設差遣官若干員暫不定數醫官二員各科應管事項詳見後開第三章

第三節 本所各科調查科設科長二員其餘每科設科長一員科副兼書記官一員司事生一名司書生一名文牘科二名

第四節 兩江查驗官員戒煙所既隸本所應省稱曰查驗所本所督辦有兼行督察之權義本所總辦兼任查驗所監督本所提調幫辦提調亦兼管查驗所提調事

第五節 本所各科員除本由檢察官調充仍兼原差外其餘各科長均兼充檢察官各科副均兼充幫辦檢察官至查驗所坐辦照常專設仍留書記官一員司書生二名

第六節 查驗所本有定章其爲此次章程未經提議更改者應悉照原章辦理

第七節 本所無論何項員司雜役凡有煙癖者概不派用如派用後稍有沾染立即撤差

第八節 本所自督辦總辦提調科員差遣官醫官司事生司書生暨各項人役總列於後

督辦一員 總辦一員 提調一員 幫辦提調二員 科長六員 科副兼書記官五員 差遣官若干員 暫不定數 醫官二員 附司事以下人役 司事生六名 司書生八名 號房一名 茶房一名 親兵十名

雜役六名 廚役一名 水火夫三名

第三章 權限

第一節 督辦總辦主管全所一切事宜隨時督飭提調分飭各科員辦理遇有特別事件應臨時商定者仍由督辦總辦督飭提調稟承督憲指示至提調如有隨事所擬之辦法應稟承督辦總辦酌核施行

第二節 提調幫辦提調於全所事宜均為權限所及應稟承督辦總辦指示各科員分別處置各科員於所管之事應隨時商承提調妥為辦理

第三節 調查科凡編查吸戶暨各公會報告以及考驗藥料等事隸之

第四節 禁制科凡發給吸票及查禁燈館私賣酒肆娼寮燈鋪以至售賣煙具等事隸之

第五節 產銷科凡查禁栽種鴉粟地畝及設土市公行土膏店牌照等事隸之

第六節 文牘科凡本所各科及查驗所文牘之事由各書記官擬稿後均由本科員會同文牘科員辦理由提調總核其無可分隸之文件即應由文牘科擬稿至本所收發公文由文牘科長會督本科員司經理其某事應交某科亦由文牘科蓋戳呈由提調分交有難於指定某科者由提調酌交

第七節 庶務科凡本所一切庶務以及會計之事隸之

第八節 現定章程於各科成辦之事有未能豫為畫分者臨時由提調指交不得推諉

第九節 差遣官本所所有臨時派查派辦之事除各科員均可聽派外並以差遣官任之

第十節 醫官於查驗吸煙人身體病症藥料及考驗戒煙藥物等事隸之

第十一節 各科長於本科之事應隨時會督本科員司認真辦理如有特別擬議之事商承提調稟請督辦總辦

酌核施行

第十二節 各科副於本科之事應幫同科長妥為經理與科長同負責任

各科副於本科之事應幫同科長妥為經理與科長同負責任

英國貴胄女子患甚劇之血薄症爲韋廉士大醫生紅色補丸所治愈

女子斐利沙孝立敦爲英國著名議院中已故之議員亨利孝立敦之女公子也嘗入觀英皇后態度自然並無怯狀此等恩榮惟高等社會有顯爵者所可享受該女士曾自述其閱歷云余見英皇后時膽氣甚壯毫無畏懼誠莫測其故也余嘗因傷風肺炎體弱膽小興趣索然前雖精神充足今則懶於應酬常患頭痛癢頓欲垂詢諸醫士則知余所患者卽血虛之症也余因此疾所受諸苦恐非言語所能盡述偶一動作卽覺力乏氣促困憊異常腦筋如



血虛 此衰弱入觀時實覺膽怯心驚雖承醫士盡心診視終屬無效頭痛體弱如故面容青白甚劇 無色後於報紙中見有韋廉士大醫生紅色補丸之告白余遂決意一試先購數瓶如法服食卽覺身體略健用是接連服之頭痛驟減精神煥發凡余今昔所歷諸事莫不活潑大醫 記憶有躍然欲動之情形耐心久服之後更覺身體康健復原面容光澤有色又覺作事踴躍而無倦容矣韋廉士大醫生紅色補丸色補 之功用如此神奇余極喜告諸世之同病者丸所 其亟服之○韋廉士大醫生紅色補丸無論何等社會中人醫治各疾服之莫不立愈因治愈 是丸中之質料實有生新血健腦筋之能力

故能醫治 血薄氣衰 胃不消化 身體軟弱 怔忡驚悸 氣鬱發厥 頭痛目眩 筋系疼痛 風溼骨痛 腎骨酸痛 腰骨疼痛 山林瘴氣 腳氣衝心 少年斷傷 乾溼瘋癩 以及皮膚諸症是丸久已名馳環宇又能醫治少壯婦女 月經不調 背骨痠痛氣鬱不舒等症誠爲婦科中之聖藥也 中國各處藥局商店均有代售或直向上海九江路B字第八號

韋廉士醫生藥局總發行處購買亦可價銀每六樽大洋八元每一樽大洋一元五角 遠近郵費一律不取

天津商務印書館新書

嚴又 訂正羣學肆言 此書官所以治羣之體術書凡十六篇前經嚴又先生譯出...

高小等 女子國文教科書 本館前編初等小學女子國文教科書八册...

學部改訂 近世化學教科書 日本大幸勇吉著 王季烈譯 此書凡化學中實驗理論之關係...

新編 初等代數 王家榮譯 孝天校 是書久已膾炙人口...

新編 初等三角法教科書 日本飯島正之助著 周藩譯 上篇述銳角...

家計簿記教科書 奕定高等小學章程列各國記於算術科...

新法英文教程 此書英文法於讀本使學者易於領悟...

日語讀本 內增嵐文君現任山東高等小學堂日語教授...

鉛筆習畫帖 本館前出高等小學習畫帖已承學部審定...

林譯 鍾乳圖體 英國哈葛得原著 此書大致似雲中人出於老獵戶...

林譯 天囚懺悔錄 是書叙一人誤殺其友出亡天良受種種苦惱...

新譯 匈奴奇士錄 向克列寶珂爾耳著 一摩陀爾人有妹為食主...

新譯 模範町村 日本農學博士橫井時敏原著 此書以改良地方自治之理想假託...

新譯 小政治 所見所聞與從前大異 小說事實均依據學理...

新 啟
告廣司公限有灰洋



啓者本公司係承唐山洋灰公司老廠另購外洋最新式機器旋密等創設
 新廠自丁未臘月新廠開機以來出貨加增行銷愈廣灰質經本廠西洋化驗
 師悉心研究精益求精會寄由德國國家栢林及日本關東都督府各化驗所
 驗得勁力堅力及凝結時刻灰之粗細均合要工所用其成色與外洋最高之
 貨相等尚有機器製造之紅磚花磚洋灰瓦水溝管矸子土等項無論躉零交
 易均可本公司總理處設在天津海大道英租界並在北北京奉天大連烟台牛
 莊青島上海漢口南京鎮江各埠均設有經售處如蒙 賜訂大批價值從廉
 交貨不悞期限所有洋灰及各種磚瓦等件重量式樣大概用法另刊有華洋
 文廣告 光顧諸君請向本公司索閱面議一切可也
 德律風一千三百零九號

啟新洋灰有限公司磚密招股滿額廣告

啓者本公司前經登報添招磚密股本三十萬元截至三月十五日兩個月期限認股業已滿額凡有未交股本務
 請照章於收股限內繳齊五月十五日以後一律截收此布

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器漆藍 奇巧美術玩器 學界文房用品 旋行携帶等件 精工鑲身物料
 定織各色麘氈 現又擴充樓房 極其寬闊高大 如蒙官商光顧 價值格外從廉
 本行隨便入覽 電話一千三百七十四號 天津法租界 武齋洋行謹啓

本局印售各種書籍圖畫目錄

澄衷學堂字課圖說
 天文歌略
 地理歌略
 地球韻言
 小學韻語
 蒙養學堂百課
 最新初等小學國文教科書
 初等中國歷史教科書
 心算初學
 最新初等小學筆算教科書
 初等小學筆算教科書教授法
 忠經
 英文學問
 東文典問答
 地文學問答
 皇朝政治學問答增校初二編
 節本泰西新史攬要
 筆算教科書
 數學上編
 普通新智識課本
 中等植物教科書
 中學礦物教科書
 高等小學博物教科書
 生理衛生學
 化學教科書
 中學地理中國誌

八本洋二元
 一本洋三分
 一本洋一角五分
 二本洋二角
 一本洋一角五分
 一本洋四分
 二本洋三角二分
 二本洋一元
 二本洋紙洋五角
 二本洋紙洋四角
 合售洋三角六分
 一本洋紙洋五分
 一本洋二角
 二本洋二角五分
 一本洋二角
 二本洋五角
 二本洋紙洋四角
 二本洋紙洋三角五分
 二本洋紙洋四角
 二本洋一元二角
 二本洋四角
 二本洋紙洋七角五分
 一本洋四角
 二本洋二角五分
 一本洋紙洋四角五分
 一本洋紙洋三角五分
 一本洋紙洋一角五分
 四本洋六角

植物學教科書
 皇朝政典舉要
 萬國憲法比較一本
 法學通論
 萬國通商史
 新爾雅
 康熙幾暇格物編
 周禮政要
 明夷待訪錄
 普通教科書目提要
 科學書目提要初編
 心算教授法
 萬國公法提要
 甲辰學報彙編一百種
 乙巳學報彙編
 丙午學報彙編
 全年學報彙編
 農學新書三十五種
 日本栽桑捷法
 美國養雞法
 農務述聞
 畿輔輿地全圖
 御製耕織圖
 朝鮮輿地全圖
 地球開闢次序圖
 平圓地球圖
 東三省鐵路全圖

一本洋紙洋二角五分
 四本洋五角
 一本洋紙洋三角五分
 一本洋七角
 一本洋二角
 二本洋三角五分
 二本洋四角
 二本洋六角
 一本洋二角
 一本洋五分
 一本洋一角五分
 一本洋紙洋三角五分
 四本洋一元
 五十本洋二元七角
 四十本洋四元二角
 廿四本洋四元八角
 卅二本洋五元六角
 一本洋四角
 一本洋三角二分
 一本洋四角
 六扇屏洋二元
 二冊洋五角
 一張洋一角
 一冊洋一元
 三十二張洋一元
 一張洋八角

北洋灤州官礦有限公司開正式股東會訂期廣告

啓者本公司開辦已逾一稔造端宏大緒緒繁茲定於五月二十四日下午二鐘在天津東門外玉皇閣本公司開正式股東會提議各項事件應請股東先期於三日各帶股票赴本公司驗明以便填給會券屆期即可持券入會如不先領會券臨時未便接待再各股東領會券時務祈將姓氏籍貫住址開示以便隨時通函佈告謹啟

利隆

大小皮包法國洋號又新到轉盤換調話匣八音盒價值格外從廉仕宦官商尤願者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡放梳洋鑲

瑞林祥元記

本號開設北京前門外鮮魚口天津估依街中間路北山東濟南府院西路北自置綢緞紗羅顧繡粧蟒洋貨布疋各色喇啞厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外紳商賜顧移玉是幸瑞林祥元記具

平和戒烟醫局廣告

啓者敝同人創設戒烟醫局原屬拯濟爲懷欲將天下人沈疴洗除淨盡無各博施濟衆堯舜不能且爲日甚長的款無着是以原定章程酌收藥資以助經費前因開局以來到局戒烟者固不乏人而因此觀望者仍屬不少故本局公議自二月初一日起至三月底止特贈醫三個月以示普濟之意刻下期限屆滿戒斷者百數十人在局服藥者尚有百數十號成效已着人所共知不待本局贅述也本擬再行續贈特因經費不敷力與心違倘長此不收藥資斷難經久萬一半途而廢是公益之舉不但有始無終亦非本局樂善好施之本意茲復公同再四籌商仍議定照舊章辦理除三月內掛號服藥者仍贈醫不計外凡自四月初一日起來局戒烟之人必須先交藥資十兩如有不能現交者必須覓有安實舖保力爲擔承方准掛號其煙癮過大用藥較多者隨後核算至多亦不過再取藥資一二十金至癮斷之後捐助本局經費則視乎本人之力量體面耳凡有志戒烟者須知本局收取藥資乃係不得已之苦衷本局設立既久名譽效驗昭昭在人耳目想爲諸君所共悉而共諒也此佈

平和戒烟醫局告白

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價格外減讓以副官商雅意如蒙賜顧請至本局賬房面議可也

本局售報價目

本埠售價官報按日一册每月三十册收價銀六角零購者每册洋銀二分
 法政學報十日一册每月三册收價洋六角零購者每册二角
 兩種合購每月收洋一圓二角
 各州縣報價交銀者除額定銷數照舊收銀九錢外額外分購者統照本埠售價例

本報代派處

各省郵政局分局均認定代派本報凡由郵局訂購者不取郵費
 北京琉璃廠橋西路北公慎書局本分局
 天津石橋胡同後齊佐周
 保定省城北大街官書局內本分局
 錦州同益分報館
 南京東牌樓慶昌
 濟南官書局
 天津鄉祠南李茂林
 奉天省城振泰報局
 開封南書店街本分局
 各州縣驛遞不在此例

本局告白刊例

登一日者每字取洋五釐 三日四釐 七日三釐五 十五日三釐
 一月二釐五 半年二釐 長年一釐五
 以上均按四號字起碼加寬行數照所佔面積計算
 登錄商標刻工另議
 三號字加半倍 二號字加一倍

便宜祭幛出售

茲有庫緞杭甯摹本亮花大呢布東綉洋緞各色祭幛寄存估衣街勾德豐帽店出售貨色新鮮均照市價八折計算 賜顧諸君請至該處購閱可也